


中國方志叢書·華中地方·第五六號

據清·張吉安等修·朱文藻等纂
民國八年重刊本
影印

浙江省

餘杭縣志



sk58/14
成文出版社有限公司印行



10097769

中國方志叢書·華中地方·第五六號

據清·張吉安等修·朱文藻等纂
民國八年重刊本
影印

浙江省

餘杭縣志



成交出版社有限公司印行

SK 58/12

中華民國五十九年十月臺一版

餘杭縣志

全二冊

發行人：**黃 成 助**

出版者：**成文出版社有限公司**

台北郵政信箱二二六〇五號
台北郵政信箱二二六〇五號
台北市羅斯福路三段279之二號
電話：三七〇一三二號

印刷者：**東南印製廠有限公司**

和平西路二段70巷83弄29號

內政部登記證內版台業字第一一四七號

出
嘉慶戊辰重修
餘
介
歸

重印餘杭縣志序

孟堅之改史記是不如史記者也紫陽之改通鑑是不如通鑑者也起龍之言允矣余謂廣而國史狹而邑乘當其操觚執簡具有孤詣苦心與爲終始以期勉附作者之林其舊本猶存因之可也餘杭志重纂於前清嘉慶十三年丁赭寇亂板燬而書亦散佚洎閩中王君崧辰宰是邑於光緒庚辰始經重印歷此數十年間邑之

餘杭縣志序

二

收藏家他書充棟獨邑志闕如蘭孫承乏茲土竟不獲一睹此志以爲考鏡之資用滋大憾慨然與邦人君子言之邦人君子乃環而相告曰纂修邑志釀款綦難某等志在搜求原本先事重印經與前邑侯成洪熊三君更迭籌議未歲厥事余毅然任之假得吳興劉氏舊藏張志善本親承校勘之責藉明亥豕之訛仿宋聚珍板重爲排印庶幾莘莘學子文獻有徵矣至若曩

域之沿革文化之盛衰與夫田賦戶口之增損風俗物產之消長則滄桑有變遷古今不同軌後有作者當能輯新補舊蔚爲大觀此尤蘭孫所厚企也

中華民國八年歲次己未仲秋月知餘杭縣事
休甯吳蘭孫序於三十四洞天吏隱齋



餘杭縣志序

二

新修餘杭縣志序

餘杭之志何昉乎咸淳臨安志嘗引祥符舊縣志矣洞霄圖志嘗引餘杭圖經矣而其書不傳明嘉靖間有王令確志萬歷間有戴令日強志間有傳本亦多殘闕

國朝康熙間有宋令士吉志張令思齊志龔令榮續志二十年間三經修葺稱綱實之類目畢之後至今一百二十餘年未有續初繼業者邑人俞柱峯先生嘗有意纂修未遑斬斲而歿自予癸亥蒞事始延仁和朱君朗齋纂舊續新重加編次屬稿競竟朱君即世閱一年迺復延海鹽崔君秋谷繼其緒又請邑人董書巢先生互相討論繁者刪訛者

餘杭縣志序

訂闕者補又匝一年而書成爰付開雕而述其緣起如此修書大指別見凡例及各門小序嘉慶十三年歲次戊辰夏五吳縣張吉安序

餘杭縣志舊序

餘杭縣志序 嘉靖七年錢塘吳鼎撰

夏殷以前尚矣周禮小史掌邦國之志而四方志外史職之說者曰若晉乘楚檮杌魯春秋是已唯春秋經孔筆遂爲萬世法程然但紀事目而說不書子曰我欲載諸空言不如見之行事以爲行事如是鑒戒足矣奚貴乎空文直削之耳左氏之徒不達復取已刪舍者附以侈靡不經之談啓佞誨邪失其旨矣由是觀之志者記行事而已秦漢以還郡縣曷嘗無志居位者矜賢載筆者騁說勢家隆其譜牒文士濫于詞章俚俗纂其榮名如是雖勿志可也若

餘杭縣志舊序

二

聖田戶口財賦出入征役施舍之法月會歲易諉諸簿書刀筆之司漫弗省眡間有登記其文略不具大猶緣爲茲謾不可究詰如是而不論載以昭遠示後其謂國何夫借譽長吏與資閭閻爲笑談今之志也而不適用土賦民數役法今之政也弗備于志記者非所行者非所記異乎余所聞矣餘杭令王君介夫正身以綜務稽古起廢捐諸不急乃以意授邑中薦紳作志上源輿地下波及雜說中述吏績民隱其言疆理物產版籍戶口征賦之際詳矣人文辭命咸以達民事而已其政廉故書無諛詞其秉德貞信故事核而言實繳然一出於行實雖以典刑一時可也

且夫吏于土徵其圖籍唯求建事爾仁賢制作垂則要以成民之務爲統紀豈以玩乎觀諸興廢之端稽其利敗所就亦此邦之畫一也後有君子得覽觀焉

又序 知縣顧上王確撰

丙戌秋予承乏視篆餘杭詢邑之故以資治而土俗之宜恆艱于得也既而喟然曰是邑亦有誌乎吾取其法之便於古者而通之宜今不亦可乎取而閱之則紀之以天文經之以地理繼之以山川人物文章制度等目與夫田賦軍需買辦之科凡朝廷取給東南者雖繁簡不同而元宋以前因革具在於是邑之利病履歷周遭得什之五而胥

餘杭縣志舊序

二

徒少得以售其奸又喟然曰是有裨于治如此爲之後者烏可不補其缺于前而續百五十餘年之實蹟乎遂屬僚友賈君明通鄭君受仁幕僚涂朝任而告之曰邑之有誌猶國有史也古邦國皆有封建封建廢史惟朝廷有之及東漢南陽撰記風俗之後郡縣始各自爲志則兼天文地利文章制度雜貨而有之史之遺意猶存然成之惟艱古人有披荒蕪達閭巷以求隱微之迹者不能無遺歷焉舉故家遺老多聞廣識以拾古今之眇論不能無遺說焉集子史百家載事之書以求事實之備者不能無遺覽焉而况菲才叨茲大邑志固不可缺者則將如之何哉僉曰學

校文獻之藪者英古今之積也蓋臨學校訪耆英而與之謀耶由是得參軍徐君鉞別駕鄒君堂力讚其議進掌教鄭君慶辰司訓祝君瑾練君萃以司校正其補缺訂舛芟繁剔僞而因革損益之者則前合肥令孫君紘實定焉凡爲卷十其文累鉅萬言比舊志加精密而凡邑之田賦軍需買辦之科其利病履歷周遭益明顯庶無售奸是亦可以爲茲邑之信史矣嗟夫堅者莫如金石不免磨滅斷裂而板鐫楮印遞相禪續則可以至于無窮使繼予爲治者知此志成之之艱而補偏救弊固有無窮之美而楊龜山數先達之政蹟將見於茲邑矣予雖非陋深有望焉

餘杭縣志

舊序

二

按舊縣志王確傳云邑舊有成化志僅鈔本亦不備確乃再歲成之于是餘杭縣志始有刻本今傳於世者絕少丁卯秋訪諸杭城壽松堂孫氏得見毛氏汲古閣藏本然祇四卷曰輿地曰規制曰版籍上曰版籍下前冠以吳鼎序而無自序卷帙完整非不全之本疑此四卷先刻而後乃續爲十卷也

餘杭縣志序

萬歷十七年知縣蒙城戴日強撰

蓋日強讀史遷氏河渠書慨然而有感也夫以天子之尊沈白馬玉璧羣臣從官負薪塞宣房至于不能與水爭利害瓠子之歌千古慨焉管敬仲水地篇曰惟水具材聖人

治樞在水餘杭古澤國水患自昔爲劇漢熹平陳公渾因大禹西海跡爲之經營唐寶歷歸公珣宋崇寧楊公時克修前烈世世利之日強承乏邑吏會有濬湖之役雜畚插拮据靡遺力乃求三公所爲治水策軼無聞焉惟有成公無玷記若銘徵其梗概已念楊公宋大儒經術吏治可爲後世師當不董董以治水著每過朱公烹所嘗提舉處年月佚事靡可考四王七帝之都卒無有若三輔黃圖者宋公姓振振矣家乘闕有遺也使人徘徊慕古數無徵云他若疆隅賦役土物風謠魁梧長者之布在方策者亦多散軼無統率惟文獻之邦嘉禮遺於草莽而觀政問俗者不

餘杭縣志

舊序

四

幾廢乎嘗考月官小史掌邦國之志歲行人採風以觀治辨謠俗而閭閻族師黨正鄉六夫各有所書以登於王皆隸于史云今天下獨有國史耳而省而郡而邑志載之明無敢僭史統也要以邑有志猶國有史國不可一日無史邑可一日無志哉後之視今猶今之視昔二千餘年載乘興廢之一會將在于斯日強其何以不敏辭責乃博謀摺紳先生徵爾雅之士若而人發圖書諮故老質之通志郡志旁及稗官百家采掇近事以續舊聞義例筆削一倣於史書成日強獵纓而起曰琅琅乎盛哉省方而觀任土而貢有民人焉有社稷焉桑麻未耜之蕃滋閭閻衣裳之幅

韓人文韶秀閣閣詩書惟水具材殆非虛語星羅弈布典籍載新土誦之訓輶軒之採一按圖而可指掌也編內最條析者水利爲重無敢望桑鄺著水經以植幹詭博無極比之河渠庶爲實錄敬仲所稱治樞在水可得而言曰強藉山川之靈諸君子草創潤色之功勒此不朽其亦與有榮施乃爲序其首簡

四庫全書存目提要萬歷餘杭縣志十卷兩淮鹽政採進本明戴日強撰日強蒙城人官餘杭縣知縣是編成於萬歷丙辰分十門子目六十有二中間紀載多舛誤如沿革門云漢高帝時屬荆吳國不知漢時餘杭爲西部都尉治仍

餘杭縣志序

五

屬會稽郡城墉門云古城在今縣溪南莫詳所始不知咸淳臨安志載漢熹平二年所改經兩次遷徙至後唐時號爲清平軍殊爲疎於考訂至第一卷既立山川一門而九卷又別立徑山志既有古蹟一門又別立洞霄志尤爲冗複矣

按戴令縣志頃訪諸故家偶得殘帙卷二籍產志卷三建置志卷四官師志卷五選舉志卷六人物志卷七藝文志卷八叢談志卷十洞霄志而其他缺焉今各門引據萬歷以前本諸是書爲多云

餘杭縣志序

康熙四年知縣奉新宋士吉撰

今天子御國之四年百度惟貞萬方惟和蒸蒸嚮制作大備之治矣而士吉承

簡命勞心拊循餘邑亦既臻考績之期於是自筮仕迄今歷年吏事彙爲一書以上之當事綜覈評隲惟命荷

上俞以勤職蓋餘治殷繁以爲自茲其可以少逸乎未幾搢紳先生以邑志見屬士吉謝不敏此重任以待繼者咸曰邑志闕修五十年矣不因時采集將世遠跡湮後人何所考衷焉夫述往事示來者俾邑無遺善人有觀型賢令長之職也且

朝廷鼎興統一海內逾二十載庶務咸與維新而茲邑典章尙餘杭縣志

舊序

六

因舊籍豈所爲丕著太平崇文之茂理乎士吉弗獲辭因以其言請命上臺咸許以從事乃出則治民情入則繕書策夙夜靡寧不遑食息自甲辰初春以迄乙巳夏杪詳繹舊聞博採新蹟旁求于儒雅之彥就正于有道之門粗克有緒釐爲十卷間綴敘論目曰餘杭康熙志所以奉宣

新天子制作之隆不遺遐邇至意而餘邑式觀有成也謹按邑之有志上以裨于治下以資于教因時而修之賢則樂景行之方新儔人凜前模之未遠過時而弗修則昔有善而無傳後之爲治者奚所法矣昔有美而弗彰後之服教者奚所勸矣是以經世之君子多重志入其邑他書未暇觀

也輒欲觀其志令將至是邑者他務未及遍也必先索觀邑之志何以言之茲有兩人焉受任而各治一邑其才相若也其識相若也而一人初至方數日一人爲之已數年則雖有長材異能之士數日者之所習必不及數年者所見之精也此非智有餘彼非智不足也一者見事多所爲習力深一者見事少所爲習力淺也然則志之能益人也審矣是故山川之險易賦役之盈維地利各有所宜人情各有所便邑相殊也爲吏者釋褐而從政豈能徧知而驟識哉及觀于是邑之所載則吾所欲爲前人有先吾而爲之者已吾所欲言前人有先吾而言之者已雖立法與時

變通而準今多得之酌古故曰志之修上有裨于治先王之教人也緩其遠而不及者急其近而與競者是故舉賢於國必自選士於鄉始以爲州鄙之耳而目之者有素也而當日人之爲善於國也不如爲善於鄉以爲親戚師友之感而發之者易入也吾嘗試之矣泛覽乎史傳有賢人焉則曰彼古也吾今也何能及焉不則曰古豈必有是人爲是事哉姑爲是言以爲今人垂訓焉耳及觀吾邑之所傳則某也賢果出于某鄉今之子若孫某是其苗裔也信矣非古之人也今之人也然則今之世何爲不可以皆賢若彼者歟是故仕而政績可表也居而孝義可風也文學

足以相摩而德行足以相師也非徒爲是言也實有是事也然則吾之身何爲其遜心于彼甘弗若者歟此非法古之情偏緩慕今之情偏亟也勢相激則氣易奮也此陰驅而潛率之上不勞而民自爲勸之術其地近也故曰志之修也下有資于教上下皆有裨是以經世之君子必重志入其邑輒欲觀其志令將至是邑者必先觀邑之志志之重若是餘杭舊志元以前弗可考明百五十餘年而後得嘉靖志又七十餘年而得萬歷志志之難成也又若是而士吉於今日其敢易而修之乎旣而思之邑固有是事士吉特表而識之用示不忘以貽後之君子善必公而後書

事無徵而不載所謂述也非所謂作也夫欲以夸流俗侈多聞爲一人之私私則是書似可以已也誠以本朝廷政教之隆洽于郡邑俾是邑之典章因以不泯以成同文之治長吏之責也爲一邑之公公則是書之輯可以不敏辭讓乎哉乃若吾餘邑近年名賢迭起所讀者宏文國史之奇編所懷者祈年格天之大業外而循良卓異之政屢見于方州內而公輔英偉之器尙儲于膠序將盡標天目蒼水之英以獨秀乎浙右矣而士吉以淺學諮諏未廣又承夫吏治煩劇之後文章不足以稱一時之盛事心竊愧之庶幾藉上憲之指授與鉅公先生之啓迪克任是

舉以或免於固陋之譏也歟是爲序

餘杭縣志序

康熙十二年知縣奉天張思齊撰

今天子廓清海宇累洽重熙

實錄告成卽輯一統志珥筆諸臣亦既有成緒如班固之志地

理揚雄之訓方言國風備載而或阻於遐方何以貢俗陳

詩周知民隱爰

下令郡若邑各修志以進思齊備員餘杭敢不對揚

休命謹攷歷乘成化嘉靖萬歷迄吾

國朝皆有成書而數年來山川之變遷規制之興廢人物之代

謝戶口之登耗賦役之增減間多遺軼不詳倘因循簡陋

餘杭縣志

舊序

九

蒐討未精其何以副我

皇上徵文攷獻至意臣因合參諸書網羅舊聞諏諮故老編纂

成志竊見餘杭蕞爾逼近會城山川秀麗風氣淳樸但地

當天目萬山下流每遇洪水泛漲衝決不常又土瘠民貧

谿山叢薄易以生奸司牧者催科撫字視他邑倍難思齊

方鰥鰥慮無報稱獨幸餘杭所最難者如水患年來開濬

南湖賴以稍平至編審賦役矢公矢慎七十三里咸樂徵

輸復設里社講鄉約宣揚

聖諭士民蒸蒸嚮風之數者臣非敢以爲功亦得曩志前人以

爲師往事以爲鑒仰應

朝廷嘉惠元元右文盛典深慶邑之風土人民皆得上之

天府竚見洋洋

德化溢百里而卜萬年是書也豈徒供蘭臺石室之藏且充轄

軒使命佐太史之歌風矣謹拜手颺言爲

當守獻

餘杭縣續志序

康熙二十二年知縣晉安龔燦撰

周禮外史掌四方之志小史掌邦國之志與史相表裏也

紀事做諸書采風做諸詩直筆考徵詳分義例倣諸春秋

邑雖小上以承天子之分封司牧守土下以效諸侯之述

職貢俗陳風亦備藻昇平盛事也餘杭近輔會城爲東南

餘杭縣志

舊序

十一

要地輿圖勝概輯有成書久矣今

皇上廓清海宇禮樂告成命詞臣輯一統志

下令各省地方遠近詳加丈量註明地方山河之名及城池繪

明圖式

命撫院憲行司道府督各縣印官躬親丈量繪圖造冊以進知

縣龔燦以譴劣備員敢不凜承以奉揚

休命謹按邑乘前成化嘉靖萬歷暨我

國朝皆有志而沿革廢興多所未備載者集邑之鄉大夫鄉老

搜米見聞在邑言邑如昔書耆舊紀歲時各因土俗以備

職方星野則躔次女牛疆界則分從禹甸建制則有舊學

新學舊城新城而山川則有雙徑祝釐洞霄提舉及上下湖之蓄濬獨松關之險隘尤爲利害大關人物則有紫陽龜山倡教文學蔚蒸風俗則男習農桑女勤蠶織猶留上古淳風其山川土田戶口賦役較他邑更宜詳年來水旱沴臻不無代謝自受

命後察邑之宜修宜復或仍前令所存或補前令未及築城隍葺學校建倉廩輔滾壩以及惠民卹典讀法懸書之屬次第舉行備書以當入

告凡官師選舉節孝賓耆皆諮訪故老仍取學校公呈不敢遺尤不敢濫此自康熙十二年來十數年事耳而有前志未

餘杭縣志

舊序

十一

備廣爲搜羅以補缺略彙爲大觀庶昭一代之鴻文成千古之憲典將邑乘堪與

國史並垂敬得拜手颺言佐太史輶軒之采矣

餘杭縣志凡例

一餘杭志自康熙二十二年龔令岱生續修後至今嘉慶十三年越一百二十餘年之久其間乘除廢興容多有異不事纂修易致湮沒因謀諸紳耆博稽紀載甄採說之信而可徵者續爲編葺舊志訛漏亦爲訂補一方掌故藉以常存皆纂修諸君子力而吉安特蒙其成云

一自古志書之作必先繪圖良以地域廣輪之數山陵川澤之形卽書而求者爲難按圖而索者較易今自縣總圖而下備列諸圖庶闔邑形勢披圖可見而施政教行禁令亦得權其緩急焉他志皆首載星野餘邑褊壤所占星度

餘杭縣志凡例

無多但繪星圖冠諸圖之首以見其概

一建置沿革同爲一事他志各自爲篇未免前後複沓茲前列沿革表卽以建置詳載於後并爲一篇列代經制瞭如指掌疆域鄉鎮以迄關梁所以正爪離覬豐喬達道路亦司牧者所有事咸爲遞列

一餘邑山水靈淑夙稱奧區某水某山按其方位皆爲詳載用昭淳峙之奇惟是三苕之水發源天目自臨安建瓚而下專賴南湖爲之蓄洩利害所關甚巨故志水利特詳凡隄防之築捍禦之方今昔殊形必悉考而備書之勤恤民隱而除其害當有取於斯

一田賦戶口爲治之本圖我

國家重熙累洽薄賦輕徭地不愛寶民物滋生爲振古所未有土地之圖五穀之要人民之數皆詳覈而載之以見

聖世懋育之象倉廩兵防官司之守鹽筴閭閻所需裕食安氓於是乎在間遇水旱爲災靡不仰邀

恩恤蠲賑兼施尤宜亟登諸簡養濟有院漏澤有園惠民有藥局亦恤政之一端得附見焉

一餘邑寺觀洞霄徑山夙標一邑之勝然各有專志則所載可酌從其略其他丹宇精藍或創置在昔或修建自今概爲載入古蹟墳墓景行所系亦並纂列

餘杭縣志凡例

二

一官斯土者有循績可書詳其事蹟爲之立傳其或爲日懸久而事湮或本無事可紀則爲職官表以識其名氏此舊志例也今自

國朝順治以後一百六十七年之間詳考其人續登如例洞霄宮祠官有紀始於萬歷戴志茲更搜考史傳旁摭載記視舊益加詳備

一選舉以志人才之盛其有宦績可紀文行可徵者各爲立傳其外則亦分別爲表以紀之封蔭所以勸忠良廣錫類典至鉅也

國朝恩蔭餘邑惟鮑氏一人亟宜登載竇耆以崇教化例員吏

職亦可規急報効展勞績例得並書

一人物列傳各志大要相同標目容有小異茲仍舊志之目稍加變通舊載者不敢遺新登者不敢濫求適於是而已節孝名教所重毋論已旌未旌亟爲確訪採列以闡幽貞寓賢方外足爲山川增色者量殿篇末

一才人摘筆原本山川極命草木英詞妙句足增志乘之重且有因其單辭隻句而可資考證者今遵省志郡志之例分附各目之下時賢著作唯宦遊斯土者量登一二本邑紳儒名篇麗製未敢攔入

餘杭縣志 凡例

三

一儒林文苑旨趣略殊其所著述均期傳世舊志所載經籍類頗多疎漏又自順治康熙以後人文日盛著作之可傳者正復不少茲廣爲搜羅依類分列佚者標其名目存者詳其卷帙或兼節其序跋存其評隲庶幾稍見一斑舊志所紀碑刻今已殘缺者多亦爲搜採別其存毀俾嗜古者得以覽焉

一餘邑風俗大約與他邑相同今斟酌前志稍加刪潤以著土風祥異以占休咎物產以別土宜皆志之不可缺者餘邑語音與吳越諸邑本無甚異舊志風俗之後有方言一卷今從刪汰

一志中凡所引據必著書名貴有徵也然間見層出未免

過繁茲所徵引如咸淳臨安志新舊浙江通志新舊杭州府志之類其始必全載書名以後則徑稱咸淳志通志府志又如本邑宋張二令之志彼此大較相因則概稱舊志龔令所修則稱續志其自康熙二十二年後採訪所及有載籍可據者悉爲標舉書名非本諸載籍而事實可信近志或加新纂字以別之今亦不循斯例以歸簡要

吳縣張吉安識

餘杭縣志 凡例

四

餘杭縣志纂修名氏

主修

餘杭縣知

縣張吉安
江蘇吳縣人
乾隆丁酉舉人

原纂

廩膳

生朱文藻
仁和人

續纂

增廣

生崔應榴
海鹽人

原任河南魯山縣知

縣董作棟
邑人
乾隆戊戌進士

參閱

餘杭縣

丞袁郁文
湖北孝感人
附貢生

餘杭縣志纂修名氏

餘杭縣儒學教

諭任昌運
海鹽人
乾隆丁酉舉人

餘杭縣儒學訓

導鄭祖治
浦江人
乾隆癸卯舉人

校訂

候補儒學教

諭鮑治
邑人
嘉慶戊午舉人

廩膳

生董榮名
邑人

生

員俞邦猷
邑人

採訪

候補訓

導蔣炯
錢塘人
廩貢生

候補主

事陳世杰
邑人

丁卯科舉

人余雲
邑人

拔貢

貢

廩

膳

生嚴汝明
邑人

廩

膳

生李鶴堂
邑人

廩

膳

生楊家龍
邑人

廩

膳

生蔡錫
邑人

廩

膳

生鄭文榮
邑人

廩

膳

生章復纁
邑人

生

員俞邦紳
邑人

生

員陳學溶
邑人

生

員高國英
邑人

生

員褚運鯤
邑人

生

員邵拱垣
邑人

生

員阮文澄
邑人

生

員阮文澄
邑人

生

員俞邦緒
邑人

生

員王家楨
邑人

捐梓

候補國子監典

簿陳紹羣
邑人

候選縣

丞陳紹祗
邑人

國子監

生陳世望
邑人

監梓

主事陳世杰
邑人

餘杭縣志纂修名氏

三

餘杭縣典史趙福
甘肅西寧人
候補主簿署餘杭縣典史沈阜
直隸宛平人

餘杭縣志
纂修名氏

三

餘杭縣志目錄

卷一

圖考

星野圖
餘杭縣境新圖

洞霄山圖

餘杭縣城圖

欽德鄉圖

同化鄉圖

常熟鄉圖

止戈鄉圖

杭州府志餘杭縣圖
南宋縣境圖
徑山圖
安樂鄉圖
招德鄉圖
孝行鄉圖
長安鄉圖
餘杭縣署圖

卷二

建置 疆域 城池 衢巷

餘杭縣志目錄

卷三

鄉里 市鎮 坊表 關梁

卷四

官署

卷五

學校

卷六

壇廟

卷七

山水一山

卷八

山水二山

卷九

山水三山

卷十

山水四水

卷十一

水利

卷十二

田賦上

餘杭縣志目錄

卷十三

田賦下 戶口

卷十四

倉廩 兵防 鋪遞 鹽法 恤政
附養濟院惠民藥局漏澤園

卷十五

寺觀一

卷十六

寺觀二

卷十七

古蹟